

UM 2 2 JUN 2011

Perkataan *haprak* mencuit hati

KUALA LUMPUR 21 Jun — Presiden UMNO, Datuk Seri Dr. Mahathir Mohamad hari ini menarik perhatian dan mencuit hati para perwakilan di Perhimpunan Agung UMNO di sini apabila menyebut perkataan *haprak* sebanyak tiga kali.

Istilah yang biasa digunakan oleh orang Melayu Pulau Pinang itu mengikut Kamus

Dewan edisi ketiga bermaksud *seseorang yang tidak berguna*.

Istilah itu digunakan pada permulaan ucapan dasar Presiden di bab 'Hasil Reformasi Mengecewakan' dengan menyebut:

"...sebenarnya yang mengecewakan mereka bukan sistem pemerintahan tetapi kerana cita-cita besar mereka tidak terca-

pai. Mereka suka membodek orang putih dan begitu gembira jika dicampakkan gula-gula oleh 'Mat Salleh'. Sebenarnya mereka yang *haprak* ini tidak ada apa-apa pun selain daripada yang kita anugerahkan kepada mereka."

Kali kedua beliau menyebut istilah itu semasa tiba pada bab 'Orang Asing Benci

para perwakilan

Malaysia' dengan menyebut "...Malaysia yang mula mencabar dan menentang konsep ini (globalisasi dan dunia tanpa sempadan) yang bertujuan menakluk dunia dengan kekuatan ekonomi, dengan manipulasi wang dan dengan syarikat-syarikat gergasi yang lebih besar dan lebih kaya daripada kebanyakan negara di dunia. Hanya *haprak* yang suka menjunjung orang putih sahaja yang tidak mengakui semua ini."

Pada bab 'Ubah Sikap Untuk Selamat' di muka akhir teks ucapannya, Dr. Mahathir sekali lagi menyebut "...Ramai orang Melayu yang akan jadi kaki bodek orang asing, yang ingin dipuji kerana mereka kononnya begitu progresif dan *worldly*. Mereka lebih teruk daripada orang asing ini. Hari ini pun kita boleh kesan *haprak* ini."